



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՎԱՐՉԱԿԱՆ ՎԵՐԱՔՆՆԻՉ ԴԱՏԱՐԱՆ

Վարչական գործ N ՎԴ3/0489/05/13

Ո Ր Ո Շ ՈՒ Մ

ՎԵՐԱՔՆՆԻՉ ԲՈՂՈՔԸ ՎԱՐՈՒՅԹ ԸՆԴՈՒՆԵԼՈՒ ՄԱՍԻՆ

Հայաստանի Հանրապետության վարչական վերաքննիչ դատարանը
(այսուհետ՝ Վերաքննիչ դատարան),

Նախագահող դատավոր՝
դատավոր՝
դատավոր՝

Գ. ՂԱՐԻԲՅԱՆ
Ք. ՄԿՈՅԱՆ
Ա. ԱՌԱՔԵԼՅԱՆ

13 հունիսի 2014 թվական

ք. Երևան

քննարկելով ըստ հայցի ՀՀ կառավարությանն առընթեր պետական եկամուտների կոմիտեի Մասիսի տարածքային հարկային տեսչության ընդդեմ անհատ ձեռնարկատեր Մարգարիտ Գուրգենի Հովհաննիսյանի՝ ՀՀ պետական բյուջեի օգտին 453.493 դրամ բռնագանձելու պահանջի մասին, թիվ ՎԴ3/0489/05/13 վարչական գործով ՀՀ վարչական դատարանի 2014 թվականի ապրիլի 14-ին կայացված վճռի դեմ ՀՀ ԿԱ ՊԵԿ Արտաշատի տարածքային հարկային տեսչության կողմից բերված վերաքննիչ բողոքը վարույթ ընդունելու հարցը,

Պ Ա Ր Զ Ե Ց

ՀՀ կառավարությանն առընթեր պետական եկամուտների կոմիտեի Մասիսի տարածքային հարկային տեսչությունը հայցադիմում է ներկայացրել ՀՀ վարչական դատարան /այսուհետ նաև՝ Դատարան/ ընդդեմ անհատ ձեռնարկատեր Մարգարիտ Գուրգենի Հովհաննիսյանի՝ ՀՀ պետական բյուջեի օգտին 453.493 դրամ բռնագանձելու պահանջի մասին: Միաժամանակ միջնորդել է կիրառել հայցի ապահովման միջոց:

Դատարանի /դատավոր Ա. Պողոսյան/ 26.12.2013 թվականի որոշմամբ հայցադիմումը վարույթ է ընդունվել:

Դատարանի 26.12.2013 թվականի որոշմամբ կիրառվել է հայցի ապահովում՝ հայցագնի չափով արգելանք է դրվել պատասխանողին պատկանող գույքի կամ դրամական միջոցների վրա, և տրվել կատարողական թերթ:

Դատարանի 10.03.2014 թվականի որոշմամբ սույն գործը նշանակվել է դատաքննության:

Դատարանը 2014 թվականի ապրիլի 14-ին վճռել է.

«1. Հայցը բավարարել մասնակի՝ անհատ ձեռնարկատեր Մարգարիտ Գուրգենի Հովհաննիսյանից հօգուտ ՀՀ պետական բյուջեի բռնագանձել 82.266 /ություններկու հազար երկու հարյուր վաթսուվեց/ ՀՀ դրամ, որից հաստատագրված վճարի ապառքը՝ 47.600 դրամ, տույժը՝ 34.666 դրամ:

2. Հայցը պահանջի մնացած մասով մերժել:

3. Սույն վճիռը կանոնավոր չկատարվելու դեպքում այն կկատարվի դատական ակտերի հարկադիր կատարումն ապահովող ծառայության միջոցով՝ պարտապանի հաշվին:

4. Անհատ ձեռնարկատեր Մարգարիտ Գուրգենի Հովհաննիսյանից հօգուտ ՀՀ պետական բյուջեի բռնագանձել 1.645 /մեկ հազար վեց հարյուր քառասունհինգ/ ՀՀ դրամ



գումար՝ որպես հայցվորի կողմից նախապես վճարված պետական տուրք: Դատական մյուս ծախսերի բաշխման հարցը համարել լուծված:

5. Դատական ծախսերի հատուցման վճարումը պետք է կատարվի դատական ծախսերի բաշխման հարցը լուծող դատական ակտի օրինական ուժի մեջ մտնելուց ոչ ուշ, քան 10 օր հետո, որի չկատարման դեպքում այն ենթակա է կատարման «Դատական ակտերի հարկադիր կատարման մասին» Հայաստանի Հանրապետության օրենքով սահմանված կարգով:

6. Հայաստանի Հանրապետության վարչական դատարանի 2013 թվականի դեկտեմբերի 26-ի որոշմամբ կիրառված հայցի ապահովման միջոցը՝ հայցագնի՝ 453.493 դրամի չափով պատասխանող, անհատ ձեռնարկատեր Մարգարիտ Գուրգենի Հովհաննիսյանին պատկանող գույքի կամ դրամական միջոցների վրա դրված արգելանքը, պահպանել մասնակի՝ միայն 82.266 /ութսուններկու հազար երկու հարյուր վաթսունվեց/ ՀՀ դրամի չափով, իսկ մնացած մասով՝ վերացնել:

Նշված վճռի դեմ վերաքննիչ բողոք է բերել ՀՀ ԿԱ ՊԵԿ Արտաշատի տարածքային հարկային տեսչությունը:

Վերաքննիչ դատարանը գտնում է, որ վերաքննիչ բողոքը ենթակա է վարույթ ընդունման, քանի որ համապատասխանում է Հայաստանի Հանրապետության վարչական դատավարության օրենսգրքի 134-րդ հոդվածի պահանջներին և բացակայում են նույն օրենսգրքի 136-րդ հոդվածով նախատեսված՝ վերաքննիչ բողոքը վերադարձնելու հիմքերը:

Վերոգրյալի հիման վրա և ղեկավարվելով Հայաստանի Հանրապետության վարչական դատավարության օրենսգրքի 135-րդ հոդվածով՝ վերաքննիչ դատարանը

Ո Ր Ո Շ Ե Ց

1. N ՎԴ3/0489/05/13 վարչական գործով ըստ հայցի ՀՀ կառավարությանն առընթեր պետական եկամուտների կոմիտեի Մասիսի տարածքային հարկային տեսչության ընդդեմ անհատ ձեռնարկատեր Մարգարիտ Գուրգենի Հովհաննիսյանի՝ ՀՀ պետական բյուջեի օգտին 453.493 դրամ բռնագանձելու պահանջի մասին, 2014 թվականի ապրիլի 14-ին կայացված վճռի դեմ ՀՀ ԿԱ ՊԵԿ Արտաշատի տարածքային հարկային տեսչության կողմից բերված վերաքննիչ բողոքն ընդունել վարույթ:

2. Գործի քննությունը նշանակել 2014 թվականի սեպտեմբերի 24-ին, ժամը 11:40, ՀՀ վարչական վերաքննիչ դատարանի շենքում (ք.Երևան, Թբիլիսյան խճուղի 3/9, 2-րդ հարկ, դահլիճ թիվ 9):

ՆԱԽԱԳԱՅՈՂ ԴԱՏԱՎՈՐ

Գ. ԴԱՐԻԲՅԱՆ



ԴԱՏԱՎՈՐ

Ք. ՄԿՈՅԱՆ

